**捣藻堂四庫全** 


書薈


要要


集部


欽定四庫全書管要集部


詳校官助教臣謝登雋 臣董語詳校













祭文二	卷二十三	祝文 祭文	卷二十二	書下	卷二十一	書中	卷二十	一
								自l 録)
							·	





ج 9 wat de date | 學而淵源一出于正集中所載大抵議論之 史本傳亮才氣雄毅有志事功而能上追元 康軍節度判官端平初追諡文毅事蹟具宋 孝宗朝六達帝廷上書論大計今集中獨有 後實卓然自成一家宋名臣言行録謂其在 文為多其通達事理英偉可觀泊有如所謂 祐之遺風近接考亭之緒論故錐為縱横之 拓萬古心胸推倒一時豪傑者在南渡以 龍川集 ħ

슢 グロ 慶成賦今集中均不載禁適序謂亮集凡四 言行録謂垂拱殿成進賦以頌德又進郊祀 十卷今是集僅存三十卷盖流傳既久已多 本故仍其卷目著之於録馬乾隆四十二年 上孝宗四書及中與論考宋史所載亦同又 月恭校上 闕非復當時之舊帙以世所行者私有此 總暴官民犯的 陸錫熊 孫士毅

者 上書驚異界日以為絕出使執 同甫文字行 同甫 起竟以空言羅 同南其果有罪於世子天乎子知其無罪也同前 者也子沉聚他 如布衣徑 晚 不登進士第則世終以為狼 dulo | 唯 於世者酌古論陳子課黨上皇帝四書最 諾 に織成罪再入: 殿 作 上以定大事 四 一十卷 龍川集 ぴ 政 大 授予初天子得同甫 理 召 何其威也然而 問當從 **散幾死又何** 疾人矣嗚呼 何處下 酷

原


序

3

3 <u>5</u>

獨 以為有罪馬可也同甫既修皇帝王霸之學上下二千 無罪於世乎世之好惡未有不以情者彼於同南 儒者失其指故不足以開物成務其說皆令人所未 年考其合散發其私蔵見聖賢之精微常流行於事 異哉雖然同甫為德不為怨自厚而薄責人則疑 能用虎即以聽谁敢犯子同南亦煩慰意馬子最 朱公元晦意有不與而不能奪也吕公伯恭退 往視之極論至夜分吕公數日未可以世為 居

嘉泰甲子春三月朔旦龍泉葉適序 年耗忘盡矣今其遺文大抵班班具馬覽者詳之而已 一鈍同前微言十不能解一二猶以為可教者病旺十 能川来



會也衣冠禮樂之所萃也百代帝王之所以相承也雖 欽定四庫全書管要卷一萬五千九百三十八集部 挈中國衣冠禮樂而寓之偏方天命人心猶有所繁豈 臣竊惟中國天地之正氣也天命之所鐘也人心之所 以是為可久安而無事也使其君臣上下為一朝之安 龍川集卷一 書疏 上孝宗皇帝第一書 龍川集 陳亮 撰

如元氣偏注一肢其他肢體往往養枯而不自覺矣則 而息心於一隅凡其志慮之經管一切置中國於度外 庾翼之徒皆有虎視河洛之意而桓温之師西至肅 晉之植根本無可言者而江左諸臣若祖逃周訪陶侃 干戈然淵勒遂無遺種而愍懷之痛猶有所該以安也 歃 久不得騁必將有所發泄而天命人心固非偏方之 所謂一肢者又何恃而能久存哉天地之正氣鬱遇 定四庫全書 可久係也東晉自元帝息心於一隅中國無歲不尋

江左衣冠禮樂之舊非復天命人心之所緊矣是以 起而承之孝文遂定都洛陽以修一代之衣冠禮樂而 於度外也故劉裕竟能一 東至枋頭又於其間修陵寢於洛陽蓋猶未盡置中國 下者卒在西北而不在東南天人之際豈不甚可畏 日之尚安數百年之大患也恭惟我國家二百年 既已如此而天地之正熟固将有所發泄矣元魏 一平河洛而後晋亡百年之間

太平之基三代之所無也二里北将之痛漢唐之所

龍川集

יון הושל על אוה כי (יוי

卒能以奔敗之餘而勝百戰之敵及秦檜倡邪議以沮 有也方南渡之初君臣上下痛心疾首誓不與敵俱生 陛下為喜功名而不恤 忠臣義士斥死南方而天下之氣情矣三十年之 復 西北流寓皆抱孫長息於東南而君父之大雙 恢復而太下之人安然如無事時方口議腹 **關念丙午丁未之變距今尚以為遠而靖康皇** J. 盖陛下即位之前 後患雖陛下亦不能以崇 一年也獨 陛下奮身不顧

於今幾年矣天地之正氣抑鬱而不得泄豈以堂堂 秋之書猶能以懼亂臣賊子令者舉一世而忘君父 走義不能以一朝安然卒於無所寓而發其志於春 者春秋之時君臣父子相战殺之禍舉 陛下以有為决不沮陛下以苟安也南師之不出 大讐此豈人道之所可安乎使學者知學孔子 孔子獨以爲三網旣絕則人直遂為禽獸皇皇奔 世皆安之

定四車全書

龍川集

高之勢而獨勝之隱忍以至於今又十有七年矣昔

心無常惟惠之懷自三代聖人皆知其為甚可畏 有時而發泄矣苗國家不能起而承之必将有承之 中國而五十年之間無 矣不可恃衣冠禮樂之舊祖宗積累之深以為 振當此之時雖如魯衛之邪苟能舉大義以正諸 則天下可以一指塵而定也孔子惓惓斯世而卒 秋之末齊晉秦楚皆衰諸侯往往用於陪臣而 人心可以安坐而久繁也皇天無親惟德是輔 豪傑之能自奮哉其勢必 · 高安而為安庸而售之地宜其為人情之所甚便也自 有言黎民懷之三十其捨諸此令世儒者之所未講也 無人之地逐伯諸侯黃池之會孔子之所甚痛也天地 今敵人之植根既久不可以一舉而遂滅國家之大勢 下積財養兵以待時也臣以爲通和者所以成上下 氣發泄於靈夷之小那可以明中國之無人矣王通 張不可以一朝而大舉而人情皆便於通和者勸

ع 9

wat du dula

龍川集

莫能用吳越起於蠻夷之小那而舉兵以臨齊晉如

者不足恃也兵食以用而見其盈虚安坐而盈者不足 也府庫充滿無非財也甲胄鮮明無非兵也使兵端 守格令行文書以奉陛下之使令而陛下亦幸其易制 恃也而朝廷方幸一旦之無事庸愚龌龊之人皆得以 而無他也徒使度外之士擯棄而不得騁日月蹉跎 以坐籌也今日之擊毬射鵰者他日将用之以次勝 好之成十有餘年凡今日之指畫方畧者他日将 則其迹敗矣何者人才以用而見其能否安坐而能

芡

警三邊騷動此豈能嚴出師以擾我乎是固不知勢 老將至矣臣故曰通和者所以成上下之尚安而為妄 臣東西馳騁而多可用之十今和好一不通而朝野之 庸两售之地也東晋百年之間未當與敵通和也故其 不異於中國點兵聚糧文移往返動涉歲月一方有 和矣昔者敵人草居野處往來無常能使人不 如敵兵之在境惟恐其不得和也雖陛下亦不 兵無日不可出也今也城郭宫室政教號令 龍川集

日不討國人而訓之于民生之不易禍至之無日戒 子晉楚之戰於如也樂書以為楚自克庸以來其君無 雄所用以争天下之機也執事者何為速和以情其心 與存亡昏明之術皆兵之繇也而求去之是以誣道 為兵所以威不軌而的文德也聖人以與亂人以廢 可保紂之百克而卒無後晉楚之弭兵於宋也子罕 一論也然使朝野常如敵兵之在境乃國家之福而英 不可以包在軍無日不討軍實而申做之于勝之

**定匹庫全書** 

原之心雖未出兵而人心不敢情矣東西赴賜而人士 諸侯也夫人心之不可情兵之不可廢故雖成康之 扇自刻責誓必復讐以勵羣臣以振天下之氣以動中 願真宗皇帝之與敵和親也况南北角立之時而廢 猶有所謂四征不庭張皇六師者此李流之所以深 明大義而慨然絕和親之議哉貶損乗與却御正尉 以情人心使之安於忘君父之大雙而置中國於 以便妄庸之人則執事者之失策亦甚矣陛下何

. .

龍川隻

擅其土地人民用其甲兵財賦官爵惟其所命而人才 請為陛下陳國家立國之本末而開今日大有為之略 出矣盈虚相補而兵食見矣狂妄之解不改而自息懦 試幸聽之唐自肅代以後上失其柄而藩鎮自相雄長 亦各盡心於其所事卒以成君弱臣强正統數易之禍 庸之夫不却而自退縮矣當有度外之士起而惟陛下 天下形勢之消長而决今日大有為之機伏惟陛下 所欲用矣是雲合響應之勢而非可安坐而致也臣

欽

定四庫全書

漕司而兵各歸於郡朝廷以一紙下郡國如臂之使指 皆天子之官民皆天子之民綱紀總攝法令明備郡縣 無有留難自管庫微職必命於朝廷而天下之势一矣 不得以一事自事也士以尺度而取官以資格而進不 列郡各得自達於京師以京官權知三年一易財歸於 故京師當宿重兵以為固而郡國亦各有禁軍無非天 祖皇帝 以自守其地也兵皆天子之兵財皆天子之財官 與而四方次第平藩鎮拱手以趨約束使

巴日車全書

舉天下皆繇於規矩準絕之中而二百年太平之基從 求度外之奇才不慕絕世之雋功天子蚕夜憂勤於上 歷增幣之事富弱以為朝廷之大配而終身不敢自論 以禮義庶耻嬰士大夫之心以仁義公恕厚斯民之生 之所以卒勝我國者其積有漸也立國之初其勢故必 淵之戰則我國之勢浸微根本雖厚而不可立矣故慶 此而立然敵遂得與中國抗衡儼然為南北兩朝微澶 其勞蓋征令是主上之操也供貢是臣下之禮也敵人

所助又從而腹削之雖微章得象陳執中以排沮其事 亦安得而不自沮哉獨其破去舊例以不次用人而勸 大要則使厚臣争進其說更法易令而廟堂輕矣嚴 有以容獎天下之英偉奇傑皆所以助立國之勢而為 於文法之内未嘗折困天下之富商巨室於格律之外 不虞之備也慶思諸臣亦當慎中國之勢不振矣而其 定四庫全書 /權邀功生事而郡縣又輕矣豈惟於立國之勢無

至此故我祖宗常嚴廟堂而尊祖臣寬郡縣而重守令

於朝廷别行封橋以為富也青苗之政惟恐富民之 兵盡歸於朝廷別行教閱以為强也括郡縣之利畫 安石以正法度之説首合聖意而其實則欲籍天下之 農桑務寬大為有合於因革之宜而其大要己非矣 豪傑恥於為役矣徒使神宗皇帝見兵財之數既多 也均輸之法惟恐商賣之不折也罪無大小動 而士大夫緘口畏事矣西北两邊至使大臣經書 以不能洗中國之恥而卒發神宗皇帝之大憤也王

為輕重有無如趙鼎諸臣固己不完變通之理而况秦 我南渡以來大抵遵祖宗之舊雖微有因革增損不足 覆而卒為敵人 侵侮之資尚何望其振中國以威外裔 縣太輕而委瑣不足恃兵財太關於上而重遲不易舉 知立國之本末者真不足以謀國也元祐紹聖一反 祖宗惟用前四者以助其勢而安石竭之不遺餘力不 不知朝廷立國之勢正患文為之太密事權之太分郡

AND THE TO THE CO.

龍川集

然南征北伐卒車聖意而天下之勢實未當振也彼蓋

免籍天下之兵以為强括郡縣之利以為富加惠百姓 **檜盡取而沮毀之忍恥事響飾太平於** 行條令而百司逃責人才日以關對臣恐程文之士資 取人以文法治事聖斷裁制中外而大臣充位胥吏 而富人無五年之積不重征稅而大商無巨萬之藏國 用也陛下早朝宴罷以其中與日月之功而以絕墨 日以因竭臣恐尺籍之兵府庫之財不足以支一 可勝誅哉陛下情王業之屈於一隅勵志復讐而不 隅以為欺其

卷之雄起王其地自以不能獨立常朝事中國以為重 陳於前則今日大有為之畧心知所處矣夫吳蜀天地 格之官不足以當度外之用也藝祖皇帝經畫天下之 既窮臣恐祖宗之積累亦不足恃也陛下武幸令臣畢 大畧太宗皇帝已不能盡用臣不敢盡具之紙墨令其 偏氣也錢塘又吳之一隅也當唐之衰而錢鏐以問 )意豈無望於陛下也陛下省推原其意而行之可以 社稷數百年之基而况於復故物乎不然維持之具

又從而治園園臺榭以樂其生於干戈之餘上下宴安 於東南及建炎紹與之間為六飛所駐之地當時論者 且五十年山川之氣盖亦發泄而無餘矣故穀栗桑 而錢塘為樂國矣一除之地本不足以容萬乘而鎮壓 及我宋受命做以其家入京師而自獻其土故錢塘終 飲定四庫全書 固已疑其不可以張形勢而事恢復也素檜又從而備 百司庶府以講禮樂於其中其風俗固己華靡士大夫 五代被兵最少而二百年之間人物日以繁盛遂甲

異已足以稱雄於其間矣陛下據錢塘已耗之氣用 原 齊晉而齊晉不能屈也及戰國之際獨能與秦爭帝 日而上下不以為異也公卿将相大抵多江浙 絲桌之利歲耗於一歲禽獸魚繁草木之生日微於 而人才亦日以凡下場屋之士以十萬數而文墨 臣是以知其難也荆襄之地在春秋時楚用以虎 日衰之士而欲鼓東南習安脆弱之衆北向以争中 聞蜀之

其後三百餘年而光武起於南陽同時共事往往多南

龍川集

陽故人又二百餘年遂為三國交據之地諸葛亮由此 方下州五代之際萬氏獨常臣事諸國本朝二百年之 周瑜魯肅呂蒙陸遜陸抗鄧艾羊祜皆以其地顯名又 起輔先主荆楚之士從之如雲而漢氏賴以復存於蜀 之能通姓名於上國者如辰星之相望况至於建炎紹 間降為荒落之那北連許汝民居稀少土産輝薄人才 梁竟以此伐齊及其氣發泄無餘而隋唐以來遂為偏 百餘年而晉氏南渡荆雅常雄於東南往往倚以為强 定四庫全書

中國矣是亦形勢消長之常數也陛下慨然移都建都 右伸縮皆足為進取之機今誠能開墾其地洗濯其人 泄者况其東通吳會西連巴蜀南極湖湘北控關洛左 以發泄其氣而用之使足以接關洛之氣則可以爭衡於 其地雖要為偏方然未有偏方之氣五六百年而不 不可繇此而進議者或以為憂而不知其勢之足用也 北分畫交據往往又置於不足用民食無所從出而兵 欽 與之際產盗出沒於其間而被禍尤極以迄於今雖南 定四庫全書 き龍川集

武昌以示不敢寧居之意常以江淮之師為敵人侵軼 之備而精擇一人之沉熱有謀開豁無他者委以荆重 所能盡載也石晉失盧龍一道以成開運之禍蓋丙午 國家之勢成矣至於相時弛張以就形勢者有非書之 之任寬其文法聽其廢置撫摩振属於三數年之問則 天下其後契丹以甲辰敗於澶淵而丁未戊申之間真 百司無府皆從草創軍國之儀皆從簡累又作行官於 未歲也明年藝祖皇帝始從郭太祖征伐卒以平定

變矣又六十年而丙午丁未遂為靖康之禍天獨於陛 宗皇帝東封西祀以告太平蓋本朝極威之時也又六 士而與之論今日之大計盖當數至行都而人物如林 十年而神宗皇帝實以丁未歲即位國家之事於是一 應其變乎此誠今日大有為之機不可苟安以玩歲月 下於是年而又落陛下以北向復讐之志令者去丙午 也臣不佞自少有馳驅四方之志常欲求天下豪傑之 丁未近在十年間爾天道六十年一變陛下可不有以 **欽定四庫全書** 

革之變以推極皇帝王伯之道而得漢魏晉唐長短之 矣辛卯壬辰之間始退而窮天地造化之初及古今沿 其論皆不足以起人意臣是以知陛下大有為之志派 之仁又悟今世之才臣自以為得富國强兵之術者皆 者謂之性命乎陛下接之而不任以事臣於是服陛下 繇天人之際昭昭然可察而知也始悟今世之儒士自 一世安於君父之響而方低頭拱手以談性命不知何 以為得正心誠意之學者皆風痺不知痛癢之人也舉

地之神祖宗之靈實與聞之干目天威罪當萬死 獻其愚陛下誠今臣畢陳其前豈惟臣區區之願將 之而不敢盡用臣於是服陛下之明陛下属志復讐足 以對天命寫於仁愛足以結民心而又仁明足以臨照羣 方揚眉伸氣以論富强不知何者謂之富强乎陛下察 狂惑以肆叫呼之人也不以暇時講究立國之本末而 以遷延大有為之歲月臣不勝憤悱是以忘其賤而 偏之論此百代之英主也今乃驅委庸人籠絡小

十二十二

臣當嘆西周之末外悔之禍蓋天地之大變國家之深 欽定四庫全書 | 上孝宗皇帝第二書

將因臣子之憤籍晉鄭之勢以告哀於天下之諸侯以 恥臣子之至痛也平王東遷以來使其痛內切於心必

以掃蕩烽燧洗國家之恥而舒臣子之債矣然後正紀

網修法度親魯衛以和柔中國命齊晉為方伯以糾合

天下之諸侯文武之迹可尋東周之業可與也今乃即

大義責其與師以獎王室其不至者天下共誅之則可

主痛人道之將絕而作春秋其書天王之義嚴矣書其 父子相賊殺習以為常而不之怪也孔子傷宗周之無 盖其勢之所必至也天下不明於復讐之義則其君臣 望亦哀矣天子之命令不足以制諸侯則其互相吞滅 子忘君父之大響而置天下之諸侯於度外周之名號 安於洛邑雖周民類以粗安宗祀賴以不絕然使其臣 君子尚意其猶有待也及待之四十九年而士君子之 雖存而其實則則然一列國耳當平王在位之時世之

著明矣臣恭惟皇帝陛下厲志復讐不肯即安於一隅 飲 矣賊不討不書葬者明一國之無臣子也一人討賊而 有所求者明天王之不可失其柄也其書討賊之義嚴 也是君道之大端而聖人望天下與來世者可謂深切 天下之民而一國各自以有其民其君之有志於民而 以衆書者示夫人之皆可得而討也天子既不能以 必書孔子之心未嘗不庶幾天下之民一日之獲瘳 雨者必書無志於民而不関雨者必書土功必書饑 定四庫全書 保

摩切陛下者也夫豈知安一隅之地則不足以采天命 法君以從諫務學為美臣以識心見性為賢論安言計 時論富强則日節用愛人論治則日正心論事則日守 世之務者又不足以明陛下之義論恢復則日修德待 見顏色是有大德於天下也而天下之才臣智士趣當 者反不足以明陛下之心陛下篤意恤民每遇水早憂 是大有功於社稷也而天下之經生學士講先王之道 引聖人舉一世謂之正論而經生學士合為一辭

欴

定四車全書

龍川集

十六

者也夫豈知坐錢塘浮俊之隅以圖中原則非其地用 取籠絡為明臣以奮勵驅馳為最察事見情自許豪傑 (招募括隱漏論治則日立志論事則日從權君以駕 拘於天下之正論而不足以明天下之大義宜其取 於陛下也論恢復則日精問課結豪望論富强則日 不可以常理論消息盈虚而與時俗行者不可以常 君父之響則不足以立人道民窮兵疲而事不可已 世謂之奇論而才臣智士合為一辭以撼動陛下

之意矣故左右親信之臣又得以窺意嚮而效忠敖陛 勇怯為天下之奇論而無取於辦天下之大計此所 東南君安之衆以行進取則非其人財止於府庫則不 下喜其頤指如意而士大夫亦喜其有言之易達也是 取疑於陛下者也三光五岳之氣分而人才之高者止 足以通天下之有無兵止於尺籍則不足以無天下之 如此經生學士既換之以大義而取輕才臣智士又 之以大計而取疑陛下始不知所仗而有獨運四海

定四車全書

龍川集

ナと

安然坐廟堂而奉使令陛下幸其易制無他而天下之 以附會之風浸長而陛下之大權移矣尋常無過之人

恤民有大德於天下而卒不免籠終小儒驅委庸人以 大有為之志垂矣陛下勵志復讐有大功於社稷篤意 人亦幸其句安而無事也是以遷延之計遂行而陛下

國之本末而開大有為之略論天下形勢之消長而决

遷延大有為之歲月此臣之所以不勝忠憤而虧沐裁

得以測陛下之意向而雲合響應之勢不得而成矣陛 不足以動天下之心矣故旣和而聚財人反以為屬民 義獻天下之大計而八日不得命馬臣恐天下之豪傑 下積財養兵志在滅敵而不免與之通和以俟時固已 之時猶且不可今者當陛下大有為之際陳天下之大 ). J. . 1 龍川集

厥功使天下之言者越月瑜時而後得報在平安無事

日待命而未有聞馬匹夫匹婦不獲自盡人主罔與成

大有為之機務合於藝祖皇帝經畫天下之本旨然入

皆以為社稷之臣彼其誓不與敵俱生百敗而不折者 被其忘君父之響而置中國於度外者其違天人之心 以無事而天下之兒童婦女不謀同辭皆以為國之賊 誠有以合於天人之心也秦檜專權二十餘年東南頼 終任事竟無一功可論而天下之兒童婦女不謀同辭 也苟又無意於臣之言則天下愈不知所向矣張沒始 疑議者惟其不明大義以示之而後大計不可得而立 既和而練兵人反以為動眾舉足造事皆足以致人之

灾

月石言

天下亦執事者之所當蚤正而預計也臣區區之心皆 亦甚矣陛下将以辨天下之大計而大義未足以震動 之具窮矣舉浙江閩廣之士七慮十四五萬數蜀不與 年太平之基至於今日而不思所以變而通之則維持 治太宗皇帝一切律之規矩準繩之内以立百五六十 臣竊惟藝祖皇帝經畫天下之大畧蓋將上承周漢之 巴具之前書惟陛下裁幸 St and a set to date W 上孝宗皇帝第三書 龍川集 十九一

望陛下變而通之而况版與之地半入於外裔國家之 至此藝祖皇帝固已逆知之矣使天下安平無事猶將 薄而至此也盖本朝維持之具二百年之餘其勢固必 於養兵者十之九兵不足用而民日以困非必道微俗 而僥倖之原未有窮已財用之入倍於承平之時而費 馬而龌龊拘學日甚於一日選人之在鈴者殆以萬計 又啓陛下以北向復讐之意乃欲因今之勢而有為馬 恥未雪而臣子之痛未伸天錫陛下以非常之智勇而

The last of the

陛下春秋五十有二經天下之事變為已多閱天下之 然自奮於草茅而開悟聖聰者臣不自量其分之不足 何忍遺患於後人乎臣以為拘攀龌龊之中其勢當有点 智循足以辨此强敵六十以往爾將望一日之安而亦 義理為已熟舉足造事必不傷國家之大體叩囊底之 既不足以望清光而草茅賤士不勝憂國之心私以為 此所以十有七年之間聖愿愈勞而取效愈遠也羣臣 而竊有志馬是以具國家社稷之大計質之天地鬼神

心日華金書

龍川集

之前而大臣拱手稱旨以問臣亦始取其大體之可言 意而變通之則恢復不足為矣然而變通之道有三有 藝祖皇帝經畫天下之大指猶可恃以長久首推原其 其所欲言之意臣妄意國家維持之具至今日而窮而 而獻之闕下陛下亦卓然拔之聲言之中持命大臣察 可以復開數百年之基事勢昭然而效見殊絕非陛下 可以遷延數十年之策有可以為百五六十年之計有 明度越百代决不能一二以聽之臣不敢泄之大臣

規模使天下奉規矩準繩以從事羣臣救過之不給而 人之心恢復之事亦恐茫然未知攸濟耳其二日國家之 為客是以天下之公憤而私自為計恐不足以感動天 十年之餘雖天下之氣銷樂頹惰不復知讐恥之當念 者三事以答之而草茅亦不自知其開口觸諱也其 正在主上與二三大臣振作其氣以泄其憤使人人如 日二聖北狩之痛蓋國家之大恥而天下之公憤也五 私警此春秋書衛人殺州吁之意也若祇與一二臣

決

TE ST AND AND IN

龍川集

子

數十萬得財數萬萬計而恢復之期愈遠就使敵人盡 之於上以定禍亂後世不原其意東之不已故超縣 天下之士人以易武臣之任事者而五代之亂不崇 而定故本朝以儒立國而儒道之振獨優於前代今 而本末俱弱今不變其勢而求恢復雖一旦得精 河南之地以還我亦恐不能守耳其三日藝祖皇帝 而不振五代之際兵財之柄倒持於下藝祖皇帝

暇展布四體以求濟度外之功哉故其勢必至於委

之所以為大臣論者其大略如此而所謂數十年之策 變而通之耳天下大勢之所趨非人力之所能移也臣 東西馳驅以定禍亂不必事在武臣也前漢以軍吏立 國而用儒以致太平要之人各有家法未易輕動惟 皆足有用則立國之規模不至庆藝祖皇帝之本旨而 百五六十年之計數百年之基與夫恢復之形勢事 反其道以教之作其氣以養之使臨事不至乏才随才 天下之士爛熟委靡誠可厭惡正在主上與二三大臣

未至之間使者連數華趣之使有能為太宗開禮樂法 於摩言混淆之中孤立以行一意率不免很没而止其 度者其召之當不容喘矣陛下聰明邁越太宗而拔臣 而 罪在臣之蹤跡不明有以誤陛下也臣本太學諸生自 其大略之可言者三事以答之二三大臣已相顧駭然 欽 臣亦皇恐而退疎遠草茅寧復有路以望清光乎馬 重尚未决之聖心則不可泄之大臣之前也故止陳 定四庫全書 一時瑣瑣之才也太宗喜其為常何陳事召使面對

所學云何而陛下之心臣獨又知之為徒恤一世之謗 而不為陛下一陳國家社稷之大計将得罪於天地之 自是始棄學校而决歸耕之計矣旋復自念數年之間 伯之略而科舉之文不合於程度不止此也去年一發其 狂論於小武之間湍學之士口語紛然至騰誇以動朝 憂制以來退而讀書者六七年矣雖蚤夜以求皇帝王 與藝祖皇帝在天之靈而不可解是故昧於一來舊 數月而未已而為之學官者迄今進退未有據也臣

亦淺矣然審察十日而不得自便之命臣將無以自見 於山林之士徒以傷陛下招致天下豪傑之道臣今更 萬鍾之禄而不受者亦有爭一錢以至於相殺者人情 相去之遠何啻於十百千萬也而臣欲持空言以自明 之大計以為一日之僥倖而徒以累陛下哉世固有卻 又平心以及之則亦随例得之矣何忍假數百年社稷 攫取爵禄之心以臣所習科舉之文更一二試而考官 名已在學校之籍於法不得以上書言事使臣有一毫 飲定四庫全書

其不濟也前史有言非常之原黎民懼馬古之英豪豈 而用常才出常計舉常事以應之者不待智者而後知 臣聞有非常之人然後可以建非常之功求非常之功 誅干冒天威罪當萬死 待罪三日而後渡江誓將終老田畝以弭羣論以報陛 門數十口去行都無四百里當席豪私室以聽雷霆之 下拔臣言於眾中之恩故昧死拜書以解於闕下臣闔 宝日華全書 | 戊申再上孝宗皇帝書 龍川集 子四

天下之士始知所向其有功德於宗廟社稷者非臣區 復讐而再世則不問此為人後嗣者之所當憤也烈祖 而半沒於外裔此君天下者之所當恥者春秋許九世 樂於驚世駭俗哉蓋不有以新天下之耳目易斯民之 而無餘矣陛下慨然有削平字內之志又二十餘年而 以来之所建置而悉聽其陸沉此英雄豪傑之所當同 志慮則吾之所求亦泛泛馬而已耳皇天全付予有家 以為病也秦檜以和誤國二十餘年而天下之氣索然

故特命東宫以監國天下之論皆以為事有是非可否 所宜也東宫居日監國行日無軍陛下近者以宅憂之 豪傑皆仰首以觀陛下之舉動陛下其忍使二十年間 欴 取也兵不可以常勝也驅馳運動又非年高德尊者之 册之所未有也今者髙宗皇帝既已稍廟天下之英雄 欲大舉以驚動慈顏仰心俯首以致色養聖孝之威書 定四車全書 题 以作天下之氣者一旦而復索然乎天下不可以坐 龍川集 主

區之所能誦說其萬一也髙宗皇帝春秋既髙陛下不

動亦有所憑籍矣臣請為陛下論天下之形勢而後知 英雄豪傑靡然知所向矣天下知所向則吾之馳驅運 以命廣平王之故事也兵雖未出而聖意振動天下之 憂之餘運用人才均調天下以應無窮之變此肅宗所 統諸司盡護諸將置長史司馬以專其勞而陛下於完 必試以事也故東宫不敢安而陛下亦知其難矣陛下 而父子之際至難言也東宮聰明處知而四十之年不 不於此時命東宫為撫軍大將軍歲巡建都使之無

吳會而海道之險吳兒習舟楫者之所畏敵人能以輕 而國家六十年都之而無外憂者也獨海道可以徑達 江西有崇山峻嶺東北則有重湖沮如而松江震澤 之論不足憑也臣聞吳會者晉人以為不可都而錢緣 江南之不必憂和議之不必守敵人之不足畏而書生 一其前雖有我馬百萬何所用之此錢鏐所恃以為安 之以抗四鄰盖自毗陵而外不能有也其地南有浙 而徑至乎破人國家而止可用其輕師乎書生以為

地與京口股脏建鄰必有據險臨前之勢而非止於斬斬 雄蓋其地勢當然而人之善用之耳臣雖不到采石 江南不易保者是真兒女子之論也臣當疑書册不及 傍極目千里其勢大略如虎之出穴而非若穴之藏虎 也皆人以為京口酒可飲兵可用而北府之兵為天下 而古今之論為未盡也京口連岡三面而大江横陳江 定四庫全書 一 一到京口建都登高四望深識天地設險之意

自守者也天豈使南方自限於一江之表而不使與中

布四體以與中國争衛者也韓世忠損兵八萬於山陽 如老罷之當道而淮東頼以安寝此守淮東之要法也 國而為一哉江傍極目千里固將使謀夫勇士得以 而書生便以為長淮不易守者是亦問道於首之類 而據之出奇設險如東之護窟勢分力弱反以成戎馬 八驅之勢耳是以二十年間紛紛獻策以勞聖慮而來 下有變則長驅而用之耳若一一欲輕而守之分兵 成雖成亦不足恃者不知所以用淮東之勢者也 能川集

自晉之永嘉以迄於隋之開皇其在南則定建鄰為 也罪在於書生之不識形勢併與夫逆順曲直而忘之 絕無而僅有未聞有如今日之岌岌然以北方為可畏 更六姓而天下分裂者三百餘年南師之謀此者不知 有望於子緣何忍以升遐之哀告之仇哉遺留報謝 以南方為可憂一日不和則君臣上下朝不能以謀 耳高宗皇帝於敵有父兄之仇生不能以報之則死必 其幾北師之謀南者蓋亦甚有數而南北通和之時則 定匹庫全書 |

SECOND REPORT OF THE PARTY OF T

쉷

豈以陛下之聖明智勇而能忍之乎意者執事之臣恩 **杼歲以輸敵人固已不勝其痛矣金寶之出於山澤者** 使繼遣金帛寶貨千两連發而敵人僅以一使如臨小 (萬端有以誤陛下也南方之紅女積尺寸之功於 何不翻然思首足之倒置尋即位之初心大泄而 之以與天下更始乎未聞以數千里之地而畏人者 限而輸諸敵人者無窮十數年後豈不遂就盡哉陛 諸道路哀祭之辭寂聊簡慢義士仁人痛切心骨

誤哉陛下倘以大義為當正撫軍之言為可行則當先 而斗絕馬此必後世之讀山經而相宅者之所定江南 父子相夷之禍具在眼中而方畏其為南方之患豈不 隱而下今行宫據其平處以臨城市城之前則逼 理建都而後使臨之今之建都非昔之建都也臣當 今金國之與於今僅八十年中原塗炭又六十年 矣 石頭鍾阜而望今也直在沙嘴之傍耳鍾阜之支龍 定四庫全書 一 淵石勒石虎符堅皆北方之雄曾不能以終其世 老月

金金

草之側大司馬門適當在今馬軍新營之傍耳其地據 本朝以至仁平天下不恃險以為固而與天下共守 李氏之所為非有據萬隔下以乗王氣而用之之意也 术之上雨花臺哈俯瞰城市雖一飛鳥不能逃也臣又 意若如今城則費侯景數日之力耳曹彬之登長干九 以為險權秦淮清溪以為阻是以王氣可乗而運動 高臨下東環平岡以為固西城石頭以為重帶玄武湖 故因而不廢耳臣當問之鍾早之僧亦能言臺城在鍾

I di la

龍川集

書問之守臣以為今城不必改作若上有北方之志則 絕陛下即位之初志亦庶幾於少伸矣第非常之事非 經管之勞爲知其異日不垂得而復失哉縱今歲未為 命將出師以謀中國不使之乘王氣而有為雖省目前 此直寄路馬耳臣疑其言雖大而實未切也據其地而 可與常人謀也陛下即位之初喜怒哀樂是非好惡够 北舉之謀而為經理建都之計以震動天下而與敵人 如日月之在天雷動風行天下方如草之偃惟其或

THE PARTY OF THE PROPERTY OF T

典則陛下以雄心英畧委曲上下於其間機會在前 之說往往有驗而聖意亦少哀矣故大事必集議除授 陛下見天下之士皆不足以望清光而書生拘文執法 不敢為翻然之喜隱忍事響而不敢奮赫斯之怒朝 必資格才者以訴她而棄不才者以平稳而用正言以 者私自奮勵以求稱聖意之所在則陛下或未之知也 失之大快故書生得拘文執法以議其後而其真有志 潤而廢異言以較美而入奇論指為横議庸論謂 / (四) 龍川集

之姦敵人非有方與未艾之勢而何必用此哉夫喜怒 極之所謂先作者不使加意於其間耳豈欲如老莊所 自天英武蓋世而何事出此哉天下非有豪猾不可制 謂稿木死灰與天下為嬰兒而後為至治之極哉陛下 哀樂愛惡人主之所以鼓動天下而用之之具也而皇 為仁戒喻以為義牢籠以為禮關防以為智陛下聰明 不至而留冺其喜怒哀樂雜其是非好惡而用依違以 一士而暮以當路不便而逐心知為庸人而外以人言

歸其孝行三年之喪一誠不變示天下以哀而從禮而 二十七年之間遵養時晦示天下以樂其有親而天下 文陛下不以喜示天下而天下惡知機會之可乗陛 、略於奉慰而陛下不獨不形諸怒而亦不密其簡思 2 不以怒示天下而天下惡知響敵之不可安棄其喜 如影響矣己已两午之間敵人非無變故而陛下不 下服其義陛下以一身之哀樂而鼓天下以從之其 形諸喜而亦不泄諸機密之臣近者非常之變敵 net in date in 龍川集 丰二


隐然念其忠者而已用者旋去旣去者無路以自進是 臣之得對陛下有卓然知其才者外臣之奉公陛下有 怒以動天下之機而欲事功之自成是閉目而欲行也小 惟恐傷其意發之惟恐其悵恨而不滿是陛下不得而 陛下不得而示天下以愛也大臣之弄權陛下旣知其 至此乎臣猶為陛下恨念於既往而天生英雄豈使其 示天下以惡也陛下翻然思即位之初心豈知其今日 有塞路者議人之多私陛下旣知其有罔我者而去之

THE RESIDENCE OF THE PARTY OF THE VENT OF THE PARTY OF TH

共之則電婦六合非難致之事也本朝以儒道治天下 終老於不濟乎長江大河一瀉千里苟得非常之人以 議論之當正而不知事功之為何物知節義之當守而 拔者陛下雖欲得非常之人以共斯世而天下有誰肯 之太平縣此而出也至於艱難變故之際書生之智知 格律守天下而天下之人知經義之為常程科學 知形勢之為何用宛轉於文法之中而無一人能自 正路法不得自議其私人不得自用其智而二百年

TIME - BILL

陛下得以發其雄心英略以與四海才臣智士共之天 之所言而附寸名於竹帛之間不使鄧禹笑人寂寂而 之大計不得不决於斯時也陛下用其喜怒哀樂愛惡 信乎臣於戊戌之春正只丁已當極論宗廟社稷大計 陛下亦慨然有感於其言而卒不得一望清光以布露 其區區之誠非廷臣之盡皆見惡亦其勢然耳臣今者 權以鼓動天下使如臣者得借方寸之地以終前書 以其言之小驗而再冒萬死以自陳實以宗廟社稷 定四庫全書 | 老月一生



新定四庫全書 | K 龍川集卷

暇自逸而大欲未遂大業未濟意者大體之未立而大 武之資充碩大光明之學留神政事勵志恢後問敢 大器而後機變行此不易之道也仰惟陛下以屠聖 臣聞治國有大體謀敵有大器立大體而後綱紀正定 欽定四庫全書着要卷一萬五千九百三十九集部 龍川集巻 中興論 中與五論序 龍川集 陳亮

清光以遂昔願索手東歸杜門求志因以為功名之在 署之未定與臣當為陛下有憂於此矣當欲輸肝膽於 情愫上書於北闕之下又念世俗道薄獻言之人動必 人猶在已也懷愚負計而不以神上之萬一是您世也 區之忠以徹天聽有司以為不肯竟從無落不得進望 也今年春隨武禮部僥倖一中無幾俯伏殿陛畢寫區 矣安能察其言而明其心此臣之所大懼而卒以自沮 有凱心雖不然跡或近似相師成風誰能不疑既已疑

卷二

篇上干天聽惟陛下寬其萬死不以為草茅之言四 不極國家憑陵之恥不可以不雪陵寢不可以不選與 臣竊惟海內途炭四十餘載矣赤子教教無告不可以 神裁幸是天下社稷之福也於臣何有 體大畧於斯見矣并論開誠執要勵臣正體之道合五 之疑是自信不篤也故書其中與論一千八百餘言

1. d. 10 199/

龍川集

有君如此而忠言之不進是匿情也已無他心而防

老日以殂謝生長於戎豈知有我昔宋文帝欲取河南 起業歸他姓則南北之患方始又况南渡已久中原父 之天時換之人事當不遠矣不於此時早為之圖縱有 弛格北方鞍馬之長而從事中州浮靡之習君臣之間 韓信有言能反其道其强易弱况今敵人庸懦政令日 他變何以乗之萬一敵人懲割更立令主不然豪傑並 日超怠情自古西北之强未有四五十年而無變者稽 地不可以不後此三尺童子之所共知最獨畏其强耳

唐之世以奉敵為忠義祖於其習而時被其思力與上 之父祖質难於人子孫不能繼贖更數十年時事一變 原之民鳥知我之為誰縱有倍力功未必半以俚俗論 安得為南朝故地故文帝既得而後失之河北諸鎮終 皆自陳於官認為故産吾安得言質而後取之則今日 大足日車在 1 之事可得而更緩乎陛下以神武之資憂勤倒席慨然 國為敵而不自知其為過過此以往而不能恢復則中

故地魏太武以為我自生髮未燥即知河南是我境十

清郡邑簡法重令以澄其源崇禮立制以齊其習立綱 書之務以立大計重六卿之權以總大綱任賢使能以 清官曹尊老慈幼以厚風俗减進士以列選能之科革 任子以是意為學之實多置臺陳以肅朝綱精擇監可以 所以及其道故也誠反其道則政化行政化行則人心 不同天時之未順賢者私愛而姦者竊笑是何也不思 有平一天下之志固己不惑於君議矣然猶患人心之 同人心同則天時順天不遠人人不自反耳今宜清中

**睡委之專而邊歷之利自與任文武以分邊郡付之久** 天子之氣精間謀以得敵人之情據形勢以動中原之 而邊郡之守自固右武事以振國家之勢來敢言以作 之贏以佐軍旅之儲擇守令以滋戶口戶口繁則財自 奸以明實罰時簡外郡之卒以充禁旅之數調度總司 目以節浮費示先務以斥虚文嚴政條以核名實懲吏 一棟將佐以立軍政軍政明而兵自强置大帥以總邊

心不出數月紀綱自定比及兩稔內外自實人心自同

九足日事全書 一

龍川集

奇變之所寓也今東西彌旦綿數千里如長蛇之横道 或長或短緩急之相形盈虚之相傾此人謀之所措而 也夫竒變之道雖本乎人謀而常因乎地形一縱 不知所如往故我常專而敵常分敵有窮而我常無窮 而敵必從衝之而敵臭救禁之而敵不敢動垂之而敵 中與之功可職足而須也夫攻守之道必有奇變形之 同服有所不動一動而敵自關何者形同趣而勢同利 天時自順有所不往一往而民自歸何者耳同聽而心 一蔡包括荆楚襟带吳蜀沃野千里可耕可守地形四通 舉秦則大江之南長淮以北固吾腹中物齊秦誠天下 者敵人之所緩今日之所當有事也控引京洛側眼准 批元梅虚形格勢禁之道寫書觀天下之大勢矣事 之兩臂也考敵人以為天設之險而固守之乎故必有一 不若為術以垂其所之至論進取之道必先東舉齊西 江之弊大城兩准慮非不深也能保吾城之卒守乎故

地形適等無所参錯攻守之道無他可變令朝廷鑒守

荆襄輯和軍民開布大信不爭小利謹擇守室省刑簿 為重鎮而均隨信陽及先一切用藝祖委任邊將之法 白夢以實軍籍民俗剽悍聽於農隊時講武藝至養防 飲進城要除大建屯田荆楚奇才劍客自苦稱雄徐行 可左可右令誠命一重臣德望素者謀謨明審者鎮撫 定四庫全書 五

官雖輕而重假其權列城相援比鄰相和養銳以何觸

士足以得死力用間足以得敵情兵雖少而聚建其助

以州兵而更使自募與以州賦而縱其自用使之養

蔡州使唐鄧相距各二百里並桐栢山以為固揚兵擣 前為諸州之接後依屯田之利朝廷徙都建業築行官 尾如一精問謀明斥堠諸軍進屯光黃安隨襄野之間 後因命諸州轉城進築如三受降城法依吳軍故城為 諸軍進計襲有唐鄧諸州見兵於賴蔡之間示必截其 之基敵來則嬰城固守出奇制變敵去則列城相應首 **壘增陂深輕招集土豪千家一堡與雜耕之利為父駐** 機而發一旦敵人玩故習常來犯江淮則荆襄之師 |美吾雖示形於唐鄧上蔡而不再謀進坐為東西形援 秦之間可乗其四川之師親率大軍以持鳳朔之勢别 汝鄭之備當日增而東西之勢分矣東西之勢分則齊 於武昌大駕時一延幸敵知吾意在京洛則京洛陳許 方支吾奔走而大軍两道並進以提其智則齊地可謀 歸正者往說豪傑隆為內應舟師縣海道以揚其者彼 開達之師入武屬以鎮三輔則秦地可謀矣命山東之 命驍将出祈山以截魔右偏將繇子午以窺長安金房

**新定四庫全書** 

京洛将安往哉此所謂批九壽虚形格勢禁之道也就 而無貪功生事之心者而後付之平居無事則欲開布 方牽制而權始在我矣然荆襄之師必得純意於國家 起而禁其東金房開達之師起而禁其西變化形敵多 使吾未為東西之舉彼必不敢離京洛而輕犯江淮亦 勢如獲臂彼將愈疑吾之有意京洛特持重以示不進 可謂垂其所之也又使其合力以壓唐祭則淮西之師 則京洛之備愈專而吾必得志於齊秦矣撫定齊秦則

勢東西之師有功則欲制取諸將持重不進以分敵形 誠信以攻敵心一旦進取則欲見便擇利而止以禁敵 金 **灾四庫全書** 

為譬拔小兒之齒必以漸搖撼之一拔得齒必且損兒 今欲竭東南之力成大舉之勢臣恐進取未必得志得 此非陸抗羊枯之徒熟能為之夫伐國大事也昔人以

地未必能守避追不如意則吾之根本撼矣此豈謀國

萬全之道臣故曰攻守之間必有奇變臣缺人也何足

以明天下之大計姑疏愚慮之崖略曰中興論唯陛下

論開誠之道

一意明白洞達而開之以無隱之誠故天下雄偉英豪力 問之心截然各職其職而不敢生不滿之念故所欲而 獲所為而成而卓乎其不可及也仰惟陛下英康神武 臣當觀自古大有為之君慷慨果敢而示之以必為之 一聲從響應雲蒸霧集爭以其所長自效而不敢前欺

出於天縱嗣承大統于今八年天下咸知其為真英主

迫之以目前而不待其成陛下自度任人之際頗亦有 密議或不得聞聽其言與之以位而不責其實責其實 心知其不足任而姑使之以充吾位使之既久而姑遷 至乎夫任人之道非必每事疑之而後非無隱之誠也 概果敢陛下固示之以必為之意矣而天下之氣索然 矣而所欲未獲所為未成雖臣亦為陛下疑之也夫康 而不吾應或者明白洞達開之以無隱之誠者容有未 **鼓定四庫全書** 以慰其心身尊位大而大責或不必任職親地密而

隱之誠也故天下懦庸委瑣之人得以自容而無嫌而 近於此者乎如或近之則非所謂明白洞達開之以無 偉英豪之士未嘗不延頸待用而每視人主之心為如 士有以致之耳雖然何世不生才何才不資世天下 用而謂書生誠不足以有為則非陛下之過也天下之 何人不退縮是宜陛下當宁而嘆天下人才無一之可 罔位實非稱而意輒不滿平居則何官不可為緩急則 在災妄誕之流得以肆言而無忌中實無能而外為欺

勿用用則勿疑與其位勿奪其職任以事勿問以言去 奴使而婢呼之天下固有雄偉英豪之士懼陛下誠心 皆非所謂雄偉英豪之士也陛下勿以其可以爵禄 心則雖高爵厚禄日陳於前而雄偉英豪之士有窮餓 而可使之死况於其中之計謀乎人主而有於天下之 何使人主虚心以待之推誠以用之雖不必高爵厚 而死爾義有所不屑於此也夫天下之可以爵禄誘 不至而未來也臣願陛下虚懷易慮開心見誠疑則

定四庫全書一次

然無隱而猶不得雄偉英豪之士以共濟大業則陛一 其實實必要其成君臣之間相與如一監明白洞達豁 臣必使之當大責通臣必使之與密議才不堪此不以 其易制而姑留才止於此不以其人次而姑還言必責 可以斥天下之士而不與之共斯世矣不然臣恐孙陛 下必為之心沮天下願為之志兩相求而不相值也以 下英唇神武之資視古之賢主無所不及而有過之

者而其效乃爾此臣所以區區愛君之心不能自己而

龍川焦

文 Z D 单 A Man | |

論執要之道 卷二

怕性下自踐於以來親事法官之中明見萬里力 政用一人無非出於獨斷下至朝廷之小臣

切上勞聖慮雖陛下聰明天縱不憚勞

臣竊以為人主之職本在於辨形正事委任明政之

體總權之大綱而屑屑馬一事之必親臣恐天一 (議陛下之好詳也自祖宗以來軍國大事三省

· 頭効舉之此所以立政之大體總權之大綱端拱於 當固足以彰陛下之聖德而猶不免好詳之名萬 給事封駁之始過尚書奉行有未當者侍從論思之 面奏獲肯差除即以熟狀進入獲可始下中 而徒使宰輔之避事者得用以籍口此臣愛君之心 審讀有未當者在中書則舍人封駁之在門下 下自治用此道也今朝廷有一政事而多出於 委任而多出於持首使政事而皆善委任而皆

定日華全書 一

龍川集

皆是則可有一不然難以處改不若付之公議令室 卿言固善然措置天下事正不欲事從朕出若自朕出 **暑我日事權之患而怨有所歸無代大臣受怨之失此臣** 出特首一切用祖宗上下相維之法使權固在我不蹈 所不能以自己也臣願陛下操其要於上而分其詳於 收攬權柄凡事皆從中出勿令人臣弄威福仁宗曰 以為陛下願之也臣聞之故老言仁宗朝有勸仁宗 政事 委任必使三省審議取古不降御批不

行之行之而天下不以為便則臺諫公言其失改之之 史之稱光武曰明謹政體總攬權綱政體者政之大體 易大哉王言此百世人主之所法而况於聖子神孫 之弊則天下雄偉英豪之士必有能奮然出力以辨 日之事者矣臣不勝大願 飲 定四庫全書一 權綱者權之大綱也臣願陛下立政之大體總權 辨邪正專委任以幸天下得操要之實而鑒好 論勵臣之道 龍川集

晉不伐楚及臣之身而晉伐楚是臣之罪也請擊之莊 是寡人之過也如何其辱諸大夫也大夫日先君之時 異志者功無不憑春秋之時晉伐楚三合不止大夫請 後警謀敵非君王之獨憂乃臣下之急務也其後越公 柱而哭承之以肅羣臣聞之曰君王何愁心之甚也夫 王俛泣而起拜晋師聞而夜還越王求成於吳而歸抱 擊之莊王曰先君之時晉不伐楚及孤之身而晉伐恭 臣聞上下同心君臣戮力者事無不濟上下相家君臣

苟且習以成風陛下數降詔以切責之屬天威以臨之 此而謂堂堂大國反無君憂臣辱君辱臣死之義必 而奉臣邀馬不知所急毛舉細事以亂大謀甚者倭 何敢勞國人以塞吾雙交兄曰四封之内盡吾君子子 請報恥越王曰告者我唇也非二三子之罪也家 下概念國家之恥勵後離之志夙夜為謀相時同隙 像安如故無機事赴功之念後<br />
響報恥之心宣君率 (華龍敢不力越王卒用以滅吳區區楚越有臣

志在後雙八年于兹若涉淵水未知攸濟而羣臣玩故 樂於到陛下哉特玩故習常勢流於此而不自知也臣 臣而語之曰朕承太上皇帝付託之重念國家之 願陛下既然與懷不御正殿减膳微樂夕惕若厲立君 欽定四庫全書 臣震懼頓首請罪然後徐諭之曰朕固未敢即安奉 其何顔以臨於王公民士之上况敢即安以自取辱羣 以朕可與有為其各共厥職勉趨厥事上率其下 (無肯戮力是朕不明不德不足以承大寶圖大業

謀亂大相與熟講惟新之政使內外有序則朕即安 日陛下楊然側席圖濟大業而羣臣不能楊然承音 發政富國強兵後儲謀敢之道無以小事寒責無以 萬其後縣今以往奉臣成為朕思所以畏天愛民求緊 'n 以報其上是人而禽獸者也誅之殺之何所不可 其上自度其力之不逮者無尸厥官朕将明賞罰 上下同心君臣戮力則何事之不濟平 2 ושל לו ליום | 論正體之首 龍川焦 土

告之而止者又多於所封還治平初任守忠離間兩官 韓琦乗間開悟上心斥之遠方仍放謝解即日押出國 章聖不欲深較而準戒曹利用以不得過三十萬天聖 臣聞君以仁為體臣以忠為體編覆包含如天地之 門君當其善臣當其怨君臣之體也澶淵之役自寇進 歷問社行輔政遇有內降輒封還之仁宗以社行不可 仁也公家之事知無不為忠也故君行恩而臣行令惠 下均欲追戰章聖皇帝獨則然許和及其議嚴幣

得君臣之體乎臣願陛下總攬大柄端已責成畏天愛 恩陛下既然立計不屈强敵而奉臣動欲隨順圖塞谿 壑使陛下孤立以主大計羣臣安坐而竊美名是尚為 以言折之君任其美臣任其責君臣之體也今則不然 民以德自護明詔大臣使當大任不解小怨不解大 下銳意於有為不顧浮議而羣臣持禄固位多務以 龍川集

為不可而塞之其後劉六符來求割地夷簡召至殿本

初契丹借兵伐高麗明肅太后微許其使呂夷簡堅以

韓琦為法天下有不足為者矣 法也故願陛下仰法祖宗而大臣以寇准吕夷簡杜行 宗養人心以行德義正君臣之體而為百世不易之家 德而憚大臣之忠果則何事之不濟何功之不成此祖 使天下戴陛下之恩而嚴大臣之執守敵人服陛下之 已如隔世追思十八九歲時慨然有經界四方之志 酒酣語及陳元龍周公瑾事則抵掌叫呼以為樂閒 此已五歲余所上之論也距今能幾時發故箧讀之

雖若丘陵弗為自視其幾美又日五穀者種之美者 有為才智之事非有學力却住不得不覺恍然自失 未下臍也一日讀楊龜山語録謂人住得然後可以 閱世途毀譽率過其實雖或悔恨而曾中耿耿者終 十年矣虚風之不易平也如此孟子曰說遇而得禽 然猶上此論無所遇而杜門之計始决於是首尾蓋 也尚為不熟不如美種豈不為大憂乎引筆識之掩 卷兀坐者良父 龍川集



謄録員生臣王 跨校對官助教臣蔡 鎮

欽定四

書管

安集訓部

集卷

詳校官助教臣謝登雋



欽定四庫全書舊要卷一萬五千九百四十集部 飲定四庫全書 龍川集巻こ 篡殺之禍其流既慘矣秦合天下以奉一人恣並 問答凡一十一道 之以起沛公號為寬大長者三章之約足以動天 所欲為陳涉因斯民之不忍徒手大呼而劉項於 一代以仁義取天下本於救斯民而非以位為 齊威挾尊周以自私敗商周之常經而開爭 龍川集 陳亮

義宣足自附於三代乎然而國祚之久長斯民之] 秦皇帝嘆曰大丈夫當如此其意豈出於為民邪 王之立殆若濯泥於水而明白洞達之事僅能以 九錫歸諸有司耳其所以守之者又密於漢則其 所以免禍而迫脅以從之何其好也尊隋之舉代 下之法邪唐太宗與劉文靖之謀似矣與其父謀 天下既定周防曲慮如一家私物此豈三代公天

下而入其心宜本於為民而起矣方其窮時縱觀

昔者生民之初類聚羣分各相君長其尤能者則相率 於堯而天下之情偽日起國家之法度亦略備矣君臣 聽命於才能德義之特出者天生一世之人必有出乎 而聽命馬曰皇曰帝蓋其才能德義足以為一代之君 CV AND I AME DELLE IN 世之上者以主之豈得以世次而長有天下哉以至 聽命者不之馬則不厭也世改而德衰則又相率以 道必有可言者矣 戴曾不减於夏商何也民不可欺則其取守之 龍川焦

與子之法以定天下之心子孫之不能皆賢則有德者 賢聖不宜在此位豈以法度定天下之心而私諸不肯 公而其道終不可常也禹以為首未得非常之人則立 之子哉取舜禹於無所聞知之人而歷武以事以與天 之不肯非如禁約之足以亡天下而堯以為非天下之 有定位聽命有常所非天下之人所得而自制也朱均 下共之然後舉而加諸天下之上彼其心固以天下為 **克匹犀全** 

起而定之不必其在我固無損於天下之公也湯以

為天下既已聽命於一家而吾之子孫不擇其可與之 矣此豈一世之故哉秦以智力兼天下而君之不師古 親親爭奪之門而君臣之定分此然如天地之不可干 子不能以一人之私而制天下也故定立嫡之法以塞 諸侯使之小大相承而方伯實總之以聽命於天子云 者而使不肯者或得以自肆於民上則非所以仁天下 天下之公議終不以私之吾家也武王周公合天下之 也故或世或及惟其賢而已不幸而與之不當其人

東至日事全書 圖

龍川集

始而欲傳之萬世使天下疾視其上翻然欲奪而取之一 劉氏之舊也彼其崛起之初則然一亭長耳其盛者不 慮豈將以私天下哉亦定于一而己曹孟德一有私天 則君臣之分猶可干而三代之統緒未可繼也周防曲 下之心而天下為之分裂者十餘世及李氏之與則 -無有及沛公者而其德義又真足以君天下故劉氏 以制天下之命使劉氏不有以大異乎天下之姓氏 一去則田野小夫皆有南面稱孤之心兢智角力

一全炭之心三章之約非蕭何所能教而定天下之亂又 矣孔孟以天下之野聖而適當春秋戰國之亂卒不得 豈劉文靖之所能發哉彼其初心未有以異於湯武也 終不失其初放民之心則大功大德固已暴著於天下 行其道以拯民於塗炭者無其位也易曰天地之大德 而其臣凡下無以輔相之雖或急於天位隨事變遷而 日生聖人之大寶日位又曰縣象著明莫大乎日月崇 尺引引 日本山 龍川集

少年子弟安知天下之大慮而勃然有以极民於

矣悲夫 高莫大平富貴尚誠其人而欲得其位者其心循可察 之論不破則聖人之道無時而明天下之亂無時而息 也使漢唐之義不足以接三代之統緒而謂三四百年 之基業可以智力而扶持者皆後世儒者之論也世儒 漢高祖起布衣以爭天下及大業既成而父兄故 無恙也然尊之封之皆有所感而後發而或者猶 置餘您於其間唐之太宗既已一切委命於父兄一

無也彼豈有熟講素定之規模而其臣相與把手以奮 匹夫不階尺土而有天下此天下之大變而古今之所 人道之不減者幾希矣精微委曲之際處其所不 雄長而彼善於此者亦可以一天下而歸之正乎 象周公之於管蔡夫必有其道矣豈聖人之事不 矣已未真申之變豈人道之所可安乎舜之於瞽 可後見於後世而天下冒冒然以强弱小大相為 可處以待聖人之後起者固不可以無論也

邁往拔出之英豪安能掃地以求更新乎太原之義旗 豈可謂非天哉自黃初以來陵夷四百餘載邊境外番 或有感而後發或因以泄其餘念亦其勢然耳嗟夫此 前則裂土定封無所愛惜至於著在人心不可泯滅者 选起以主中國而民生常**凱一日之安寧於非所當事** 之人人道失其統紀而天地幾於不立矣此非有超世 以維持天下之具既已一切盡廢而利害緩急迫乎其 起草茶之間又宣常學古以從事哉仁義禮樂先王所一

灾匹厚全書 | ■

一大幾也昔者周公蓋憂此矣孺子離襁褓寧幾時而武 一指而天下靡然知所向矣高祖以父而主之可也建 若不能以終日此非天誅之則人殺之耳天未當不假 成獨可以常法嗣之乎據非所當得而又疾其當得者 名而不恤彼其心以為是天實為之而非吾過也天人 手於人是以太宗抽失蹀血忍於同氣犯天下不義之 上哉人心蔽於自見而天命不知所歸是治亂安危之 之厭亂極矣豈其使建成元吉得稔其惡以自肆於民

也而其地安在哉雖其决於承天命以脱民於塗炭有 先為之地者至矣人欲謀我而我亦謀之是以亂易亂 野洋洋雖聖人不敢以疑貳之心而承之也顧其所以 以為後世訓乎天命之所在若决江河故檀車煌煌牧 以立他日管蔡之誅為天下誅之耳要以使天命即 以身代武王之死武王得以延數年之命而孺子可輔 王疾日病周公懼其事之不可繼也至誠委命於天欲一 定四庫全書 心所可安之地不然則吾心豈能盡白於天下而何

欽

之嗟夫此又可以盡歸之天哉 足自解者而終不即於人心之所安至今論者猶不安 三三老董公以仁義應說漢高帝而三軍始為義帝 義智數盖不可以雜而行也不出於高帝之誠心 稿素項氏不復能自直於天下名義之不可負蓋 如此儒者正名之說雖起於管仲之尊周而自漢 而欲以欺天下則名義乃自外來乎故三軍稿素 以來則以此舉為明驗矣然人為萬物之靈而仁

龍川集

書君者里克君之也泰以智力兼天下其亡楚尤為無 道蓋天下欲共亡之久矣况當天下潰亂之時蓋不必 晉奚齊義不足以君國聖人書以為君之子而卓子則 飲定四庫全書 本足以納侮而不足以形敵然劉項同受命於義 處此者 帝坐視同列之賊其君而不問則聖世皆不後知 所謂人道矣是三軍編素而大義始明高帝定天 下之機無乃真在此乎合內外而論之宜必有以 卷】

憤而借高帝之力以扶人道於既絕者也揭項氏之不 率天下之人如驅羣羊是非可否惟吾之所欲為而人 自立自廢各從其私是君臣無定位而以强弱為輕重 君之者非一人矣利其為名則君之不利其實則害之一 以自立蓋董公之遮說幾於孔子沐浴之請而高帝之 義於天下使天下皆欲援弓而射之雖微高帝猶不可 亦不得裂去也其輕天下亦甚矣董公者發天下之公 用懷王以從民望也項氏君之而諸公皆禀命馬則其一

LI O met de dun (I)

龍川集

義吾不知其何心也故孫權之自立非義也使魏氏不 權之非義也 得自正於天下則人道不至於盡廢雖聖人不得而明 四三代之朔紫以封先聖之後為念而論功行封循 待其定也至周則大封同姓於其間為國五十有 者天之立君豈為姬姓而設乎漢與患異姓之强 三而猶未以為慊武王周公固非以天下為已私 大而大封同姓以鎮之其道盖本諸此矣七國同

晋孔子論三代之損益可知盖自 堯之親睦九族積而 钦定四庫全書 题 時舉事黥彭之患不如是之併也誅鋤刻削至於 漢之法豈世變之窮而至此乎合天下而君之疏 遠之人何員於國家而周以宗强此果何道乎不 矣聖人之立法本以公天下而非以避禍亂心有 然漢該之周而周公其衰矣 親疎則禍福倚伏於無窮雖聖智不得而防也周 分裂以各王其子弟同姓湮微而后族之禍又成 龍川集

其不可盡信也分王子弟以據其衛而庶孽與其不肯 草莽以帝天下天下平定諸公各以南面稱孤帝猶疑 為有國者之私其親而其義不通於天下也豈非參酌 者也然其義遂窮而不可繼故春秋之諸侯以其子弟 為卿者聖人皆以弟書之獨於季友之來歸不係以親 四代之制以為萬世通行之法哉漢高帝與諸公共起 而書曰李子盖其賢者則與眾共之其不賢者聖人以 至於周之大封同姓五十有三國者亦其損益之可知 賢者養以國家之私使親賢多錯而禍福治亂一付之 漢氏為可憫而魏晋宋齊不能以是一日為安者蓋親 陳之義不明也出其子弟之賢者以與天下共之其不 前而使前後相矯卒不得其正禍亂相尋於無窮不獨 思天下之公義而用其謀國之私心是非利害狗於目 知權勢既成雖親者亦不可保其可保者惟其賢也不 切不問庶幾以為可自附於周家親親之義而不

天下之公而吾無容心馬聖人之作春秋以待後聖者

Wall art of the Control

龍川集

蓋如此 方三代之衰聞諸侯修徳以與矣未聞崛起草野而皆 五項羽暗鳴叱咤千人皆廢而能恭敬愛人自屈於 爵邑以來天下之頑鈍嗜利亡恥者開國承家之 豈不足自附於惟衣裳在笥之義邪漢高帝乃饒 瞑矣使天下有疑於儒者之道其不自高帝始邪 初而顧以小人先之卒用是以勝羽羽之目當不 禮節之士其仁與勇可謂兼之矣至於賞不妄與

周白星

零用項氏之所長以消代異時黨與揺動之心此正陳 者伏於商山而不可招致高帝雖死而目不瞑也異姓一 一日而廢哉蓋田横之未去郡國家姓之未徙四老人 平之所預見而深憂而開國承家小人勿用之義何當 齊之而不能與天下共其利則其勢必分裂四出而不一 有南面稱孤之心也當草味之時欲以禮義律之智勇 用是以合其勢而不能用是以一日為安蓋其初不能 可收拾矣匹夫並起而爭此非先王之常勢也高帝能 7. 0 int 2. d.in 龍川集

諸侯王之憂特聚人之所共憂耳易曰天造草味宜建 侯而不寧聖人其知之矣 六 周召毛畢實佐文武以有天下成康既沒王朝之 任公卿之位此果何法也春秋譏世卿而人才之 得過大夫人才之特起不幸而非世家則不得以 可與公之子孫族屬共執國政也哉然而位終不 身餘行以自見於斯世者非一人其卓然者宣不 公卿往往皆諸公之子孫族屬比問族黨之賢修

P AL T LEE A. ALS TO 特起者終無一人得附見於冊書雖聖人之法亦 秦天下既定非當更當時之事者不以任公卿也 賈生特起之才天子明知之而不得用非獨終灌 任选用雖賢君亦不克其終宣君臣之際無終始 之賢者始雜而用之然其後遂無世臣之可倚更 不免隨世而立數漢高帝與蕭曹諸公共起而亡 下自此多事矣唐太宗雖以房杜為宗臣而天下 之專其寵利也然公孫弘自海瀕而登室相則天 龍川集

王君公皆天下之人推而出之而非其自相尊異據乎 載其尤能者為之長君奉其能者為之輔相彼所謂后 闕矣此宣尚然之故哉方天地設位之初類聚羣分以 君臣天地之大義也君臣不克其終則大義於而人道 人民之上也及法度既成而君臣有定位舜命夔以曲 為通行之法平 於共事之臣宜非聖人之公道而周漢之法果可 之義則其勢必至此邪然合天下而君之而獨私

使天下之人有所觀仰愛戴而不敢窺何其間以題幸 當賢者之選而後廣求天下之賢聖以無幾於一遇而 國柄横生意見紊亂綱紀使天地大義有所廢闕而厭 故喜新敗亡相尋而不悟也惟其子孫族屬舉不足以 國家者亦欲其代修祖父之業而君臣相保與國無窮 三代既以世次而有天下其相與肇造人紀而維持其 樂教胃子蓋欲其君臣相與世守之以達天地之大義 接墜業不敢有加馬如高宗之於傳說是也此豈君

C A.J D LELL & date | 100

龍川集

或從或違必取其與世宜者舉而措之而不必狗其舊 族則其世家之舊也使皆得若人而用之則何厭於世 李楚屈完齊高子魯李友权於宋子哀之徒往往非 故惟倦於一世之賢者悉使之附見於冊書如蔡季紀 擇世臣之賢者而用之甚者遂使世其官而人人輕視 典然於君臣之大義未之有改也其識世卿益譏其不 臣之常法哉孔子之作春秋其於三代之道或增或損 其上皆有擀而取之之心其勢必至於君臣之不相保

言之宣樂於君臣之不相保而新故相易以求快一時 也漢高帝以匹夫而有天下視平時之等夷無非可疑 之耳目哉戰國朝暮反覆之禍益起於君臣之不相保 後使早踰尊疏踰戚然猶必取其國人皆曰賢者繇此 後世者也故孟子以為故國必有世臣至於不得已而 無問於曹昌之小國所以究極天地之大義而明示之 思禮之厚而適遭變故或不以其道終則正色書之而 臣而欲求天下特起之賢於不可知之際哉至於死生

東空日車 全書

龍川集

7

源流家世守之至於一二百年而不替嗚呼是天地之 用故其人往往足以重人之國家而子孫習識其本末 天下之賢者必使之楊歷中外養其資望而後至於大 方、顧望草菜之賢者以為巴用豈不殆哉惟我本朝於一 故以勢相臨而不後以恩相保緩急無一人之足依而 然猶不使後生新學得以参乎其間也唐太宗則参而 用之更一世而盡忘其舊甚者朝為君臣而暮為路人 之人故其臣不自保其首領而天地之大義不復明矣

大義而非君臣之私恩也天下不能皆特起之賢則超 一菜大義廢而天下 顯揮豈可率以為常乎朝暮不相保則是棄爵位

欠ミョ

nint of the

龍川集

